



**Broj/Број: 02-50-1-67-18/'04  
Sarajevo/Сарајево: 26.02.2004. god.**

### **ZAPISNIK**

#### **18. sjednice Doma naroda Parlamentarne skupštine Bosne i Hercegovine, održane 26. februara 2004.godine**

Sjednica je počela u 11,15 sati.

Sjednicom je predsjedavao Mustafa Pamuk, predsjedavajući Doma naroda Parlamentarne skupštine Bosne i Hercegovine.

Na sjednici je bilo 14 delegata.

Delegat Zoran Spasojević je opravdao svoj izostanak.

Osim delegata, na sjednici Doma naroda bili su : predstavnici Vijeća ministara, predstavnici međunarodnih organizacija, pozvani gosti i predstavnici sredstava javnog informiranja.

Nakon diskusije u kojoj su učestvovali Halid Genjac i Ilija Filipović, Dom naroda je većinom glasova usvojio sljedeći

### **DNEVNI RED**

1. Odgovori na delegatska pitanja i delegatska pitanja
2. Zapisnik sa 17. sjednice Doma naroda Parlamentarne skupštine BiH
3. Prijedlog Zakona o proizvodnji naoružanja i vojne opreme - predlagač Vijeće ministara, drugo čitanje
4. Prijedlog Zakona o izmjenama i dopunama Zakona o upotrebi i zaštiti naziva Bosne i Hercegovine - predlagač Vijeće ministara, drugo čitanje
5. Prijedlog Zakona o izmjenama i dopunama Zakona o upravnom postupku - predlagač Vijeće ministara, drugo čitanje
6. Prijedlog Zakon o izmjenama i dopunama Zakona o službenom glasilu Bosne i Hercegovine - predlagač Vijeće ministara, drugo čitanje
7. Prijedlog zakona o prekršajima Bosne i Hercegovine - predlagač Vijeće ministara, drugo čitanje
8. Prijedlog zakona o izmjenama i dopunama zakona o izbjeglicama iz BiH i raseljenim osobama u BiH – predlagač Predstavnički dom, drugo čitanje
9. Davanje saglasnosti za ratifikaciju Prijedloga Odluke o ratifikaciji Dodatnog protokola Konvencije protiv doppinga, Varšava 12. septembar 2002. godine – predlagač Predsjedništvo BiH
10. Davanje saglasnosti za ratifikaciju Prijedloga odluke o ratifikaciji Dopunskog memoranduma o razumjevanju između Evropske zajednice i Bosne i Hercegovine – predlagač Predsjedništvo BiH
11. Izvještaj o radu Državne regulatorne komisije za električnu energiju BiH za 2003. godinu

12. Prijedlog rezolucije o ostvarivanju prava penzionera povratnika u Federaciju Bosne i Hercegovine – delegat Goran Milojević
13. Imenovanje Ombudsmana za ljudska prava BiH
14. Izbor člana Delegacije Parlamentarne skupštine BiH u Vijeće Evrope umjesto Hasana Muratovića
15. Zamjena člana Istražne komisije Doma naroda za utvrđivanje okolnosti hapšenja Ante Jelavića, Miroslava Prce i Miroslava Rupčića

### **Ad-1: Odgovori na delegatska pitanja i delegatska pitanja**

Odgovore na delegatska pitanja dobili su: Tomislav Limov, Velimir Jukić i Nade Radović.

Delegati su djelimično zadovoljni odgovorom.

Delegati su postavili sljedeća pitanja resornim ministarstvima:

**Delegat** Tomilav Limov je ponovio pitanje

1. Kakva je nacionalna struktura čelnika i uposlenika svake od institucija Bosne i Hercegovine?
2. Ima li Vijeće ministara utvrđen plan rasporeda sjedišta institucija Bosne i Hercegovine koje će biti uspostavljene u naredne tri godine i kada će taj plan biti dostavljen izaslanicima i zastupnicima Parlamentarne skupštine Bosne i Hercegovine?

**Delegat** Hasan Čengić

“Je li tačno da se u Bosni i Hercegovini provodi cenzura medija i time cenzura slobode izražavanja, a u vezi s tim:

- a) Koliko je prvostepenih, a koliko pravosnažnih presuda izrečeno medijima u BiH u vezi pisanja o političkim i javnim ličnostima
- b) Koliko su postojeća zakonska rješenja u Bosni i Hercegovini usklađena sa međunarodnim standardima i pravnom regulativom demokratskih zemalja
- c) Koji su političari do sada stavljeni pod zaštitu suda od pisanja medija (ime i prezime)
- d) Da li su ovi slučajevi u suprotnosti sa Deklaracijom o slobodi medija koju je 12.02.2004. godine objavilo Vijeće Evrope, te da li slučajevi sudskih zabrana objavljivaja tekstova o političarima (privremenih mjera) mogu štetiti poziciji Bosne i Hercegovine za Sporazum o stabilizaciji i pridruživanju sa EU?

**Delegat** Velimir Jukić

Do kada (do kojeg datuma) možemo očekivati završetak zamjene postojećih dokumenata novim dokumentima po projektu CIPS?

**Delegat** Boško Šiljegović

1. Da li je CRA državna agencija kao i sva ostala ministarstva i samostalne upravne organizacije i ako jeste zašto ne poštuje zakone ove države (Zakon o ministarstvima, Zakon o državnoj službi itd.)?
2. Zašto zaposleni u CRA ne poštuju član 43. Zakona o komunikacijama koji definiše zaposlene prema Zakonu o državnoj službi i zašto za njih ne vrijede platni razredi kao za ostale zaposlene u državnim institucijama?
3. Koju vrstu posla u regulatornom organu kao što je CRA mogu obavljati: mašinski tehničar, tehničar za automatiku, stomatolog, sanitarni tehničar, hemijski laborant, zubni tehničar, kozmetičar, prerađivač mesa i mlijeka itd. Da li su oni državni službenici sa prosječkom plate od preko 1000 KM?

4. Kada će Agencija ako je državna, poštovati član 9. Ustava BiH koji kaže da institucije predstavljaju narode BiH?
5. Frekvencije su državno dobro sva tri naroda u BiH. Kako se onda može tumačiti da su u procesu natjecaja za dugoročne dozvole RTV stanica iz RS izgubile 39% dozvola, a u Federaciji 15%. Postavlja se pitanje jesu li ovo samo bošnjačke frekvencije?
6. Može li CRA sama da donosi cjenovnike i pravilnike o korištenju i naknadama za frekventni spektar ili to radi Vijeće ministara?
7. Tražim da se izvrši kompletna revizija raspodjele frekventnog spektra jer je više nego očigledno da su se pojedinci prodajom RTV stanica bogatili na državnom dobru uz odobrenje pojedinih struktura iz CRA. Ovo tražim iz razloga uspostavljenog monopola pojedinih TV stanica na tržištu i posjedovanju neograničenom broju tv kanala.
8. Kako se može desiti da neko koristi državno dobro, pravi na njemu budžet, a ne poštuje zakone ove države. Može li neko u ovoj državi da bude iznad zakona i da li se nezavisnost i profesionalnost mora platiti posebno i jesu li svi ostali državni službenici amateri u svom poslu?

**Delegat Osman Brka**

“Kada će Bosna i Hercegovina dobiti Zakon o lustraciji tj. kada će Prijedlog zakona o lustraciji Vijeće ministara poslati u parlamentarnu proceduru?”

**Ad-2:Zapisnik sa 17. sjednice Doma naroda Parlamentarne skupštine BiH**

U diskusiji je učestvovao Ilija Filipović.

Dom naroda jednoglasno je usvojio Zapisnik 17. sjednice Doma naroda.

**Ad-3: Prijedlog Zakona o proizvodnji naoružanja i vojne opreme - predlagač Vijeće ministara, drugo čitanje**

U diskusiji je učestvovao Halid Genjac.

Dom naroda jednoglasno je usvojio Prijedlog Zakona o proizvodnji naoružanja i vojne opreme u istovjetnom tesku kao i na Predstavničkom domu

**Ad-4: Prijedlog Zakona o izmjenama i dopunama Zakona o upotrebi i zaštiti naziva Bosne i Hercegovine - predlagač Vijeće ministara, drugo čitanje**

Diskusija nije vođena

Dom naroda jednoglasno je usvojio Prijedlog Zakona o izmjenama i dopunama Zakona o upotrebi i zaštiti naziva Bosne i Hercegovine

Kako su Dom naroda i Predstavnički dom usvojili Zakon u različitom tekstu iz Doma naroda imenovani su Vinko Radovanović, Hilmo Neimarlija i Tomislav Limov za članove komisije za usaglašavanje teksta Zakona.

**Ad-5: Prijedlog Zakona o izmjenama i dopunama Zakona o upravnom postupku - predlagač Vijeće ministara, drugo čitanje**

Diskusija nije vođena

Dom naroda jednoglasno je usvojio Prijedlog Zakona o izmjenama i dopunama Zakona o upravnom postupku u istovjetnom tekstu kao i na Predstavničkom domu

**Ad-6: Prijedlog Zakon o izmjenama i dopunama Zakona o službenom glasilu Bosne i Hercegovine - predlagač Vijeće ministara, drugo čitanje**

U diskusiji su učestvovali: Halid Genjac i Tomislav Limov.

Dom naroda jednoglasno je usvojio Prijedlog Zakona o izmjenama i dopunama Zakona o upravnom postupku u istovjetnom tekstu kao i na Predstavničkom domu

**Ad-7: Prijedlog zakona o prekršajima Bosne i Hercegovine - predlagač Vijeće ministara, drugo čitanje**

Diskusija nije vođena

Dom naroda jednoglasno je usvojio Prijedlog zakona o prekršajima Bosne i Hercegovine.

Kako su Dom naroda i Predstavnički dom usvojili Zakon u različitom tekstu iz Doma naroda imenovani su Vinko Radovanović, Hilmo Neimarlija i Tomislav Limov za članove komisije za usaglašavanje teksta Zakona.

**Ad-8: Prijedlog zakona o izmjenama i dopunama zakona o izbjeglicama iz BiH i raseljenim osobama u BiH – predlagač Predstavnički dom, drugo čitanje**

U diskusiji su učestvovali: Halid Genjac, Vinko Radovanović, Ivica Marinović, predstavnik predlagača, Jadranko Tomić, Ilija Filipović, Velimir Jukić, Boško Šiljegović, Osman Brka, Tomislav Limov, Hilmo Neimarlija i Anto Spajić.

U raspravi vezano za Prijedlog zakona o izmjenama i dopunama zakona o izbjeglicama iz BiH i raseljenim osobama u BiH pokrenuto je pitanje vitalnog nacionalnog interesa i u skladu sa Poslovníkom Doma naroda rasprava o Prijedlogu zakona je prekinuta dok se pitanje ne riješi.

**Ad-9: Davanje saglasnosti za ratifikaciju Prijedloga Odluke o ratifikaciji Dodatnog protokola Konvencije protiv dopinga, Varšava 12. septembar 2002. godine – predlagač Predsjedništvo BiH**

Diskusija nije vođena

Dom naroda jednoglasno je dao saglasnost za ratifikaciju Prijedloga odluke o ratifikaciji Dodatnog protokola Konvencije protiv dopinga, Varšava 12. septembar 2002. godine

**Ad-10: Davanje saglasnosti za ratifikaciju Prijedloga odluke o ratifikaciji Dopunskog memoranduma o razumjevanju između Evropske zajednice i Bosne i Hercegovine – predlagač Predsjedništvo BiH**

Diskusija nije vođena

Dom naroda jednoglasno je dao saglasnost za ratifikaciju Prijedloga odluke o ratifikaciji Dopunskog memoranduma o razumjevanju između Evropske zajednice i Bosne i Hercegovine

**Ad-11: Izvještaj o radu Državne regulatorne komisije za električnu energiju BiH za 2003. godinu**

U diskusiji je učestvovao Osman Brka

Dom naroda jednoglasno je primio k znanju Izvještaj o radu Državne regulatorne komisije za električnu energiju BiH za 2003. godinu

**Ad-12: Prijedlog rezolucije o ostvarivanju prava penzionera povratnika u Federaciju Bosne i Hercegovine – delegat Goran Milojević**

U diskusiji su učestvovali: Halid Genjac, Vinko Radovanović, Goran Milojević, Osman Brka, Tomislav Limov, Ilija Filipović,

Dom naroda većinom glasova je usvojio: Rezoluciju o ostvarivanju prava penzionera povratnika u Bosnu i Hercegovinu

1. Dom naroda Parlamentarne skupštine BiH, podržava odluke Doma za ljudska prava, kao najvišeg tijela koje je nadležno za uspostavljanje, kontrolu i zaštitu ljudskih prava, zasnovanih na međunarodno priznatim standardima, kao i odredbama Ustava Bosne i Hercegovine,

2. Dom naroda Parlamentarne skupštine BiH zahtijeva da Vlada i nadležni organi Federacije BiH odmah i bez odlaganja postupe po navedenoj odluci Doma za ljudska prava, odnosno da postupe po odredbama člana 3. stav 2. c) ustava Bosne i Hercegovina kojim je regulisano da će\* Entiteti ispuniti sve uslove za pravnu sigurnost i zaštitu lica pod njihovom jurisdikcijom, održavanjem civilnih ustanova za primjenu pravnih propisa koje će raditi uskladu sa međunarodno priznatim standardima, poštujući međunarodno priznata ljudska prava i osnovne slobode iz člana 2. ovog ustava, kao i preduzimanjem drugih odgovarajućih mjera. \*
3. Budući da ljudska prava i osnovne slobode predstavljaju osnovne i ustavom garantovane društvene vrijednosti u Bosni i Hercegovini, koja se ostvaruju direktno a ne putem sudskih, upravnih ili drugih administrativnih postupaka, Dom naroda Parlamentarne skupštine zahtijeva da se navedena odluka Doma za ljudska prava od strane Vlade i nadležnih organa Federacije BiH primjenjuje neposredno i automatski na sve penzionere povratnike, bez šikaniranja i nezakonitih preduslova kojima se ova prava mogu ostvariti tek po prethodno provedenom sudskom, upravnom ili drugom administrativnom postupku. «Na isti način, zahtjeva se od Vlade i nadležnih organa Republike Srpske da postupe prema svim penzionerima povratnicima u Republiku Srpsku, u skladu sa zaključenim Sporazumom nadležnih entitetskih fondova od 27. marta 2000. godine»
4. Dom naroda Parlamentarne skupštine BiH ovo pitanje smatra izuzetno značajnim za uspostavljanje pravne sigurnosti na cijeloj teritoriji Bosne i Hercegovine, odnosno pravnu sigurnost smatra izuzetno značajnim elementom reformi koje su pokrenute u Bosni i Hercegovini, a svako odstupanje od ovog principa smatra kontraproduktivnim za uspješnu realizaciju ovih reformi,
5. Za realizaciju ove rezolucije Dom naroda Parlamentarne skupštine BiH će insistirati kod Predsjedništva BiH, Savjeta ministara BiH, ali i kod svih faktora koji mogu da utiču na realizaciju ove rezolucije, odnosno kod svih faktora koji mogu biti nadležni za sankcionisanje kršenja ljudskih prava i osnovnih sloboda u Bosni i Hercegovini.
6. U cilju preovladavanja brojnih problema penzionera povratnika u Bosni i Hercegovini i općenito teškog stanja penzionera u BiH i za slučaj eventualnih poremećaja u redovnoj isplati penzija primjenom ove rezolucije Dom naroda poziva sve nadležne državne i entitetske institucije da u saradnji s relevantnim međunarodnim institucijama iznađu najprihvatljivije rješenje ukupnog položaja penzionera u Bosni i Hercegovini.

#### **Ad-13: Imenovanje Ombudsmana za ljudska prava BiH**

U diskusiji su učestvovali Tomislav Limov i Halid Genjac.

Dom naroda većinom glasova imenovao je prof. dr. Vitomira Popovića za ombudsmana za ljudska prava Bosne i Hercegovine

#### **Ad-14: Izbor člana Delegacije Parlamentarne skupštine BiH u Vijeće Evrope umjesto Hasana Muratovića**

Diskusija nije vođena.

Dom naroda jednoglasno je za člana Delegacije Parlamentarne skupštine BiH u Vijeće Evrope, umjesto Hasana Muratovića, imenovao Elmira Jahića

**Ad-15: Zamjena člana Istražne komisije Doma naroda za utvrđivanje okolnosti hapšenja Ante Jelavića, Miroslava Prce i Miroslava Rupčića**

Diskusija nije vođena.

Dom naroda većinom glasova je umjesto Halida Genjca imenovao Osmana Brku za člana Istražne komisije Doma naroda za utvrđivanje okolnosti hapšenja Ante Jelavića, Miroslava Prce i Miroslava Rupčića

Sjednica je završena 16,20 sati.

Sastavni dio ovog zapisnika je neautorizirani transkript sjednice.

SEKRETAR  
DOMA NARODA  
Jadranko Tomić

PREDSJEDAVAJUĆI  
DOMA NARODA  
Mustafa Pamuk